

Sic (17) Paulus Samosatenus a celebri quodam scriptore superatus est. Sic Theodoritus Alexandrini concilii definitiones comprobavit (18). Sic Leo Papa apud Leonem imperatorem Eutychem, huiusque sectatores confudit, astruxitque a sanctis doctoribus consentientibus nullos nisi impios & haereticos discrepare. Sic Agatho Papa (19) ecclesiasticum dogma de dupli Christi voluntate & operatione firmavit, nempe sanctorum scriptorum consentientibus testimonii. Quibus ea solum ratione haeretici respondere se posse existimarunt, si libros depravassent, & alia ex eisdem sanctis testimonia vel mutila vel etiam conficta in confirmationem erroris adduxissent. Neque enim negare sanctorum auctoritatem integrum vel haereticis videbatur. Quorsum autem post vetera exempla nunc novitia proferamus? ex Bernardo epistola 77. ad Hugonem, ex Innocent. *De presbytero non bapt.* cap. *Apostolicam*, ex concilio Florentino, ex multis quoque aliis, quos ne longum sit, missos in praesentia faciemus. Satis enim nobis, si modo in philosophia christiana aliquid profecimus, positis exemplis rationibusque & testimoniis persuasum esse debet, sanctorum omnium communem sensum certam fidem facere catholiconrum dogmatum, ac proinde ex omnium auctoritate certa argumenta depromi theologicis conclusionibus confirmandis. Id quod sexto hoc denum loco erat nobis constituendum. Constituimus autem longa oratione id quidem, quomodo enim rem tantam verbis paucioribus explicaremus? sed adeo praeclare tamen, ut tenebrae, quas adversarii veritatis offendere suis argumentationibus conati sunt, iam superioris disputationis luce fugatae esse videantur. Certe primum, secundum, & tertium argumentum post ea, que dicta sunt, nulla responsione egent. Sed ne ratio illa quidem deinceps apposita. Eadem enim non magis contra veteres sanctos, quam contra patres conciliorum omnes, atque adeo contra totam ecclesiam valet. Ita nos antea duobus illam locis refutavimus. Osiander ergo & Cajetani scrupuli modo restant, qui si fuerint exempli,

(17) *Euseb. 5. lib. eccl. hist. cap. 28.* (18) *Lib. 6. hist. trip. cap. 20.* (19) *6. syn. act. 4.*

ti, nihil profecto erit amplius, quod sexto loco explicanda desideretur.

### Caput quartum.

CVM igitur contendit Osiander, expositores usque ab apostolis universos in prophetiae illius intelligentia errasse, primum nihil nobis contrarium afferit. Nam, ut Vincentius Lirinensis recte dixit, *antiqua sanctorum patrum consensio non in omnibus divinae legis questionibus*, sed solum in fidei regula nobis certo est sequenda, atque in his precipue questionibus, quibus catholici dogmatis fundamenta nituntur. Quod etiam capite superiore paulo latius explanavimus. Porro autem Oseae Propheta an in sensu literali, an in allegorico ad Christum referenda sit, ad fidei questionem non pertinet. Ita quamvis sancti in hoc falsi fuissent, non in re gravi, sed quæ parvi momenti in ecclesia est, fuissent falsi. Deinde, falsum est omnes autores usque ab apostolis locum illum in sensu solum allegorico ad Christum retulisse. Referunt quidem omnes ad populum Israel, & ad Christum quoque referunt, sed non omnes afferunt per allegoriam id fieri. Quin nonnulli affirmant, eundem scripturæ locum plures habere interdum sensus literales. Postremo si dicamus sensum esse allegoricum, nullus est error. Nam obiectio Osiandri Hieronymus in comm. super Oseam docte respondet. Vana igitur ista ratio apud eos valet, qui ipsi decipi, fallique volunt. Graviores, constantioresque admonendi sunt, ut animadvertant, ne callida altera ratione capiantur. Aperte enim sophificantem nemmo non videt, nisi qui admodum est indoctus: callidus ille & occultus sophista, ne veritatis specie fallat, studiose cavadum est. Nec enim facile agnoscitur. Nec vero existimari veniam Cajetanum aut in sophistis esse censem, aut astute, vatre, malicioseve quempiam fallere voluisse. Sed vir ingeniosus, & doctus non fallebatur nisi specie quadam obscuræ rationis. Quocirca quoniam vim habet maiorem, quam ceteri ad decipiendum, maiori cura & diligentia hic sane cavendus est.

Argumentatur itaque Cajetanus: non alligavit Deus explicationem scripturæ sacræ prisorum doctorum sensibus,

*Tom. I.*

Ppp

&c.

&c. Imo vero alligavit , si omnes ad unum in eandem sententiam concurrerint. Tenentur enim universi catholici sensum ecclesiæ sequi. Sensum autem ecclesiæ fuisse , qui idem fuit doctorum ecclesiasticorum omnium , explicatum est paulo ante satis , ut arbitror , diligenter. Nec ecclesia nunc de scripturarum sensu iudicat divinando , sed ex traditione maiorum eas interpretatur. Quemadmodum enim , si qua alia fidei quæstio occurrerit , ecclesiæ iudicium nihil novi auribus Christianæ plebis infert : sed maiorum antiquam in ea re fidem , & inquirit , & sequitur : ita cum de sacrarum literarum sensu existit aliqua controversia , nullam novam intelligentiam a censura ecclesiastica expectare debemus , sed eam , quæ magna facta disquisitione patrum nostrorum communem esse constiterit. Spes , inquiunt , nobis & posteris tollitur exponendi sacras literas , nisi transferendo de libro in quinternum. Minime vero gentium. Nam , ut illud præteream , quod in sacris Biblii loci sunt multi , atque adeo libri integri , in quibus interpretum diligentiam ecclesia desiderat , in quibusque proinde iuniores possent , & eruditionis & ingenii posteris ipsi quoque suis monumenta relinquere , in illis etiam , quæ antiquorum sunt ingenio , ac diligentia elaborata , nonnihil nos Christiano populo , si volumus , præstare & quidem utilissime possumus. Possumus enim vetustis novitatem dare , obsoletis nitorem , obscuris lucem , fastiditis gratiam , dubiis fidem , omnibus naturam suam & naturæ suæ omnia. Sed quoniam huic Caietani argumento Vincentius Lirinens. doctissime elegantissimeque respondit , verba nos ipsius ascribemus , digna illa profecto , quæ aureis literis scriberentur , Esto , inquit , • Doctor quasi Beseelel (1) , & pretiosas divini dogmatis gemmas excupe , fideliter copta , adorna sapienter , adiice splendorem , gratiam , venustatem , intelligatur te exponente illustrius , quod antea obscurius credebatur. Eadem tamen , quæ didicisti , doce , ut cum dicas nove , non dicas nova. Sed forsitan dicet aliquis , nullusne ergo in ecclesia Christi profectus habebitur intelligentia ? habeatur plane & maximus. Sed ita tamen , ut vere profectus sit ille fidei , non per-

(1) Exod. 36.

permutatio. Siquidem ad profectum pertinet , ut in semetipsa una- quæque res amplificetur. Ad permutationem vero , ut aliqd ex alio in aliud transvertatur. Imitetur animalium ratio rationem corporum , quæ licet animalium processu numeros suos evolvant & explicit , eadem tamen , quæ erant , permanent. Parva lactentium membra , magna iuvenum : eadem ipsa sunt tamen. Quot parvolorum artus , tot virorum. Et si quæ illa sunt , quæ ævi maturioris aetate parvuntur , iam in seminis ratione preinserta sunt : ut nihil novum postea proferatur in senibus , quod non in pueris iam ante latitaverit. Quod si humana species in aliquam deinceps non sui generis vertatur effigiem , aut certe addatur quippiam membrorum numero , vel detra- batur , necesse est , ut totum corpus vel prodigiosum fiat , vel etiam intercidat , vel certe debilitetur. Ita etiam sacrarum literarum in- telligentia sequatur has decet progressum leges , ut annis scilicet consolidetur , dilatetur tempore , sublimetur aetate : incorrupta tamen illibataque permaneat , & Paulo post. Quodcunque igitur , ait , in ecclesiæ paradiſo Dei agricultura patrum labore satum est , hoc idem filiorum industria colatur , floreat , maturescat , proficiat , perficiatur. Et præsca illa celestis philosophia dogmata a posteris excuren- tur , limentur , poliantrur. Sed nefas est , ut commutentur , detrun- centur , mutilentur , humanorumque ingeniorum quasi extranea addi- tamenta recipiant. Accipient licet evidentiam , lucem , distinctionem , sed retineant necesse est , plenitudinem , integratatem , proprietatem. Hactenus ille. Cuius tota oratio eo mihi videtur probabilior , quo magis ex Apostolo ad Ephes. 4. videtur esse de prompta. Vbi illam corporalis augmenti similitudinem adeo , & aperte & copiose persecutus est , ut nulla mea oratione opus sit. Tantum fuerunt lectors admonendi. De sexto autem loco hactenus. Iam ad 7. transeamus , hoc est scholæ novæ aucto- ritatem. De qua etsi nonnihil fortasse novi dicturus sum , ea tamen , quæ pios lectores probaturos esse confidam.

Septimi Libri finis.